



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Arnoldi Corvini à Belderent J. U. D. Jus Canonicum, Per  
Aphorismos Strictim Explicatum**

**Corvinus van Beldern, Arnold**

**Amstelodami, 1663**

Officio Archipresbyteri.

**urn:nbn:de:hbz:466:1-10591**

consuetudo; d. c. cum satis. 4. hic. can. nullus omnino. 16.  
qu. 7. c. 41. cunctis fidelibus. 16. qu. 1. nec de jure, puta  
communi, (de consuetudine enim aliquando potest, ut in c.  
dudum. in 2. de election.) sententiam excommunicationis  
in aliquos promulgare, c. Archidiaconus non. 5. ubi Gl. &  
Dd. hic. Abb. c. cum in cunctis. §. inferiora. num. 4. de elect.  
nec quem extero Episcopo ordinibus suscipiendis com-  
mendare, c. significasti. 8. hic. aut in monasteria Jurisdi-  
ctionem habere: nisi præscriperit, c. fin. eod.

### *De Officio Archipresbyteri.*

#### TIT. XVI.

**A**Archipresbyter, est Prælatus cæteris Presbyteris emi-  
nentior, vicem Episcopi in spiritualibus gerens. c. mi-  
nisterium. 2. c. officium. 3. hic.

Est vel *Urbanus*, domi in cathedrali Ecclesia officio suo  
fungens; vel *Ruralis*, qui foris partes suas agit.

Ille vicem Episcopi absentis gerit, curam præsentis mi-  
nuit. c. pen. eod. Nam officia sacra in cantanda Missa, be-  
nedictionibus conferendis, Sacramentis administrandis, &  
ut Sacerdotes in iis administrandis probè se gerant, curat;  
pœnitentem, infirmum, consulto Episcopo, reconciliat;  
pœnitentiam cunctis aliis Sacerdotibus injungit; Archi-  
diaconi præceptis, sicut & Episcopi, obsequium præbet. &c.  
d. c. ministerium. d. c. officium. c. nunquam. de consecrat.  
dist. 5. c. cum venerabilis. 7. de consuet.

*Hic*, & *Decanus* (eò quod decem Clericis rura incolen-  
tibus præsit, c. ad. hæc. 7. de offic. Archidiac.) dictus, laï-  
corum & Presbyterorum, qui Ecclesiæ minores Archi-  
presbyteratui subjectas administrant, curam habet; gra-  
via delicta, si quæ inciderint, Episcopo significat; stricte  
ea quæ ab Episcopo decreta, sequitur; Archidiacono paret.  
tot. tit. hic.

Uterque Presbyter esse debet, aut, si non est, intra an-  
num fieri; ut Archidiaconus, si non est, Diaconus. Clem. 1.  
de stat. & qual. c. 1. dist. 60.

Habent Archipresbyteri jurisdictionem voluntariam, non contentiosam, nec territorium ullum; nisi in foro pœnitentiali: & tum illud Episcopo est commune. *Abb.*  
*& alii in c. cum contingat. 13. de foro compet.*

*De Officio Coadjutoris.*

T I T. XVII.

**C**oadjutor est, qui vices gerit Episcopi, aut alterius, etiam inferioris, ut Archidiaconi, &c. qui vel muneribus quibusdam obeundis non est idoneus, puta verbo Dei ad populum ferendo, Ecclesiis invisendis, reatibus subditorum audiendis, pœnis inurendis; vel aliquâ justâ causâ perpetuo impeditus est; ut ægritudine, senio. *tot. tit. de Cler. ægrot. & c. un. eod. in 6.*

Eum sibi adsciscit Episcopus, de Capituli sui vel majoris partis consilio & consensu, auctoritate Pontificis, moderatis sumtibus ei ex proventibus suis tributis: *d.e. un. cum spe futuræ successionis, sed non, (quod Concilio Tridentino statutum, cap. 7. sess. 25. de reformat.) nisi causâ prius diligenter à Pontifice cognitâ.*

*De Officio Vicarii.*

T I T. XVIII.

**E**piscopi, vel alii Clerici, si necessariis causis impedianter, quominus officiis suis possint supereesse, viros idoneos, quibus vices suas mandant, possunt eligere; assignata iis certâ proventuum Ecclesiæ aut beneficii portione. *c. extirpandæ. 30. §. qui verò. de præb. c. beneficium. 4. de regular. in 6. c. pervenit. 28. de appell. c. cum ex eo. 34. vers. porro. de elect. in 6.*

Idonei non sunt, Ordinis Mendicantium Religiosi, Monachi, Clerici regulares, nisi cum licentia Prælati, cui sunt subjecti, *c. 22. in nona. 16. qu. 7. Clem. et si. 2. verb. ad Prioratum. de rescript. Rebuff. in praxi. tit. de Vicar. Episc. num. 30. nec laici. d. c. in nona. 16. qu. 7.*

Constituuntur Vicarii vel ad divina ministeria celebranda; & nomen retinent: vel ad jurisdictionem exercendam: *Gl. in*